

# 十二禮

---



# 十二禮

龍樹菩薩 造

至心歸命禮西方阿彌陀佛

<sup>1</sup>稽首天人所恭敬，阿彌陀佛兩足尊，在彼微妙安樂國，無量佛子眾圍繞。  
願共諸眾生，往生安樂國。

<sup>2</sup>金色身淨如山王，奢摩他行如象步，兩目淨若青蓮華，故我頂禮彌陀尊。  
願共諸眾生，往生安樂國。

<sup>3</sup>面善圓淨如滿月，威光猶如千日月，聲如天鼓俱翅羅，故我頂禮彌陀尊。  
願共諸眾生，往生安樂國。

<sup>4</sup>觀音頂戴冠中住，種種妙相寶莊嚴，能伏外道魔憍慢，故我頂禮彌陀尊。

願共諸眾生，往生安樂國。

<sup>5</sup> 無比無垢廣清淨，眾德皎潔如虛空，所作利益得自在，故我頂禮彌陀尊。

願共諸眾生，往生安樂國。

<sup>6</sup> 十方名聞菩薩眾，無量諸魔常讚歎，為諸眾生願力住，故我頂禮彌陀尊。

願共諸眾生，往生安樂國。

<sup>7</sup> 金底寶間池生華，善根所成妙臺座，於彼座上如山王，故我頂禮彌陀尊。

願共諸眾生，往生安樂國。

<sup>8</sup> 十方所來諸佛子，顯現神通至安樂，瞻仰尊顏常恭敬，故我頂禮彌陀尊。

願共諸眾生，往生安樂國。

<sup>9</sup> 諸有無常無我等，亦如水月電影露，為眾說法無名字，故我頂禮彌陀尊。

願共諸眾生，往生安樂國。

<sup>10</sup> 彼尊佛刹無惡名，亦無女人惡道怖，眾人至心敬彼尊，故我頂禮彌陀尊。

願共諸眾生，往生安樂國。

<sup>11</sup> 彼尊無量方便境，無有諸趣惡知識，往生不退至菩提，故我頂禮彌陀尊。

願共諸眾生，往生安樂國。

<sup>12</sup> 我說彼尊功德事，眾善無邊如海水，所獲善根清淨者，迴施眾生彼國。

願共諸眾生，往生安樂國。